

佛說大乘無量壽莊
嚴清淨平等覺經

釋淨空法師敬題

佛說大乘無量壽阿耨
清淨平等覺經 淨修捷要

附淨修捷要

一名五念簡課





南無阿彌陀佛

◎佛教是佛陀對九法界衆生至善圓滿的教育。

◎釋迦四十九年所說的一切經。內容就是說明宇宙人生的真相。人生就是自己。宇宙就是我們生活的環境。

◎知覺名佛菩薩，不覺名凡夫。

◎修行就是將我們對宇宙人生錯誤的看法、想法、說法、做法，加以修正。

◎佛教的修行綱領是覺正淨。覺而不迷，正而不邪，淨而不染。並依戒定慧三學，以求達到此目標。

◎修學的基礎是三福，待人依六和，處世修六度，遵普賢願，歸心淨土。佛之教化能事畢矣。

西方三聖像



佛告長老舍利弗：從是西方過十萬億佛土，有世界名曰

極樂，其土有佛號阿彌陀，今現在說法。

讚佛偈

阿彌陀佛身金色 相好光明無等倫
 白毫宛轉五須彌 紺目澄清四大海
 光中化佛無數億 化菩薩眾亦無邊
 四十八願度眾生 九品咸令登彼岸
 南無西方極樂世界 大慈大悲
 阿彌陀佛
 南無阿彌陀佛 (數百千聲)
 南無觀世音菩薩
 南無大勢至菩薩
 南無清淨大海眾菩薩 各十稱

拔一切業障根本

得生淨土陀羅尼

南無阿彌多婆夜

哆他伽多夜

哆地夜他

阿彌利都婆毗

阿彌利哆悉耽婆毗

阿彌唎哆毗迦蘭帝

阿彌唎哆毗迦蘭多

伽彌膩伽伽那

枳多迦利娑婆訶

佛說大乘無量壽莊嚴清淨平等覺經

無量清淨平等覺經

後漢支婁迦讖譯

佛說諸佛阿彌陀三耶三佛薩樓佛檀過度人道經

一名無量壽經

壽經一名阿彌陀經吳支謙譯

無量壽經

曹魏康僧鎧譯

無量壽如來會

唐菩提流志譯

佛說大乘無量壽莊嚴經

趙宋法賢譯

○自漢迄宋同經異譯可考見者凡十有二近代流通唯此五本

菩薩戒弟子 郟城夏蓮居法名慈濟會集各譯敬分章次

法會聖衆第一

(分章不念)

如是我聞。一時佛在王舍城耆闍崛山中。
與大比丘衆萬二千人俱。一切大聖神通
已達。其名曰尊者憍陳如尊者舍利弗尊
者大目犍連尊者迦葉尊者阿難等。而爲
上首。又有普賢菩薩文殊師利菩薩彌勒
菩薩及賢劫中一切菩薩皆來集會。

德遵普賢第二

(分章不念)

又賢護等十六正士。所謂善思惟菩薩。慧
辯才菩薩。觀無住菩薩。神通華菩薩。光英
菩薩。寶幢イキ菩薩。智上菩薩。寂根菩薩。信慧
菩薩。願慧菩薩。香象菩薩。寶英菩薩。中住
菩薩。制行トク菩薩。解脫菩薩。而爲上首。咸共
遵修普賢大士之德。具足無量行願。安住
一切功德法中。遊步十方。行權方便。入佛
法藏。究竟彼岸。願於無量世界成等正覺。

捨兜率カヌ降王宮ウヘ棄位出家ウヘ苦行學道ウヘ作斯
示現順世間故以定慧力ト降伏魔怨ト得微
妙法成最正覺天人歸仰請轉法輪常以
法音覺諸世間破煩惱城壞諸欲ト塹ト洗濯ト
垢汚ト顯明清白調衆生宣妙理貯功德ト示
福田以諸法藥救療三苦昇灌頂階授菩
提記爲教菩薩作阿闍黎ト常習相應無邊
諸行成熟菩薩無邊善根無量諸佛咸共

護念諸佛刹中皆能示現。譬善幻師現衆
異相於彼相中實無可得。此諸菩薩亦復
如是通諸法性。達衆生相。供養諸佛。開導
羣生化現其身。猶如電光裂魔見網。解諸
纏縛。遠超聲聞辟支佛地。入空無相無願
法門。善立方便。顯示三乘於此中下。而現
滅度。得無生無滅。諸三摩地。及得一切陀
羅尼門。隨時悟入華嚴三昧。具足總持百

千三昧。住深禪定。悉睹無量諸佛。於一念頃。徧遊一切佛土。得佛辯才。住普賢行。善能分別衆生語言。開化顯示真實之際。超過世間諸所有法。心常諦住。度世之道。於一切萬物。隨意自在。爲諸庶類。作不請之友。受持如來甚深法藏。護佛種性。常使不絕。興大悲愍有情。演慈辯。授法眼。杜惡趣。開善門。於諸衆生。視若自己。拯濟負荷。皆

度彼岸。悉獲諸佛無量功德。智慧聖明。不可思議。如是等諸大菩薩。無量無邊。一時來集。又有比丘尼五百人。清信士七千人。清信女五百人。欲界天。色界天。諸天梵衆。悉共大會。

大教緣起第三
(分章不念)

爾時世尊。威光赫奕。如融金聚。又如明鏡。影暢表裏。現大光明。數千百變。尊者阿難。

即自思惟。今日世尊。色身諸根。悅豫清淨。
光顏巍巍。寶刹莊嚴。從昔以來。所未曾見。
喜得瞻仰。生希有心。即從座起。偏袒右肩。
長跪合掌。而白佛言。世尊。今日入大寂定。
住奇特法。住諸佛所住導師之行。最勝之
道。去來現在。佛佛相念。爲念過去未來諸
佛耶。爲念現在他方諸佛耶。何故威神顯
耀。光瑞殊妙。乃爾願爲宣說。於是世尊告

阿難言善哉善哉。汝爲哀愍利樂諸衆生。
故能問如是微妙之義。汝今斯問勝於供
養一天下阿羅漢辟支佛。布施累劫諸天
人民。蝸飛蠕動之類。功德百千萬倍。何以
故。當來諸天人民一切含靈。皆因汝問而
得度脫。故阿難如來以無盡大悲矜哀三
界。所以出興於世。光闡道教。欲拯羣萌。惠
以真實之利。難值難見。如優曇花。希有出

現。汝。今。所。問。多。所。饒。益。阿。難。當。知。如。來。正
覺。其。智。難。量。無。有。障。礙。能。於。念。頃。住。無。量
億。劫。身。及。諸。根。無。有。增。減。所。以。者。何。如。來
定。慧。究。暢。無。極。於。一。切。法。而。得。最。勝。自。在
故。阿。難。諦。聽。善。思。念。之。吾。當。爲。汝。分。別。解
說。

法藏因地第四

(分章不念)

佛告阿難。過去無量不可思議無央數劫。

有佛出世。名世間自在王。如來應供等正覺。明行足。善逝。世間解。無上士。調御丈夫。天人師。佛世尊。在世教授四十二劫。時爲諸天及世人民說經講道。有大國主名世饒王。聞佛說法。歡喜開解。尋發無上真正道意。棄國捐王。行作沙門。號曰法藏。修菩薩道。高才勇哲。與世超異。信解明記。悉皆第一。又有殊勝行願。及念慧力。增上其心。